



Služba za saobraćaj, stambeno-komunalne poslove i građenje

OPĆINSKO VIJEĆE ILIJAŠ

**Odgovori na vijećnička pitanja i Inicijative sa 28. sjednice Općinskog vijeća Ilijaš
održane dana 26.02.2019.godine**

Ilijaš: Mart 2019.godine

ALMIR ŠPIODIĆ – vijećnik BPS-Sefer Halilović

Pitanja: "Ko će snositi odgovornost ukoliko dođe do saobraćajne nezgode ili nesreće na pružnom prelazu "Alića rampa", jer projekat svjetlosne signalizacije nije u potpunosti riješen? Semafori koji su prošle godine i zvanično pušteni u rad nemaju potpunu funkciju regulisanja drumskog i željezničkog saobraćaja na pružnom prelazu "Alića rampa". Ja sam na jednoj od prethodnih sjednica postavio slično pitanje Direkciji za ceste Kantona Sarajevo i Ministarstvu saobraćaja Kantona Sarajevo, ali nisam dobio odgovor. Postojeći semafor zasigurno olakšava kretanje pješaka koji prelaze regionalnu cestu i to je opravdano sa te strane. Ono što zbunjuje građane Ilijaša i mene lično jeste, da se dešava, da su rampe podignute, upaljeno zeleno svjetlo na semaforu, a u isto vrijeme prugom se kreće vozilo željeznica FBiH. Lično sam svjedok takvog događaja što dokazuje i ovaj foto zapis. Gospodo draga, potrošili ste preko četiri stotine hiljada maraka na ovaj projekat! Semafor ne reguliše ispravno saobraćaj što može dovesti do ozbiljnih saobraćajnih nezgoda opasnih po ljudske živote. Pitam vas ko je odgovoran i ko će snositi odgovornost ukoliko dođe do udesa kada čovjek sa autom prođe na zeleno svjetlo i na pruzi ga udari voz?"

Odgovor: Pitanje je dostavljeno Ministarstvu saobraćaja Kantona Sarajevo, Željeznicama Federacije BiH i Direkciji za puteve Kantona Sarajevo. Do slanja odgovora na vijećnička pitanja nismo dobili odgovor. Po dobijanju istih bit će dostavljeni Općinskom Vijeću.

ALEN HASKOVIĆ – vijećnik SDA

Inicijativa: "Pokrećem inicijativu prema Direkciji za ceste Kantona Sarajevo i izvođaču koji vrši održavanje puta na dionici Čevljanovići-Gajevi da, čim se stvore uvjeti, izvrši sanaciju svih udarnih rupa na pomenutoj dionici na način da se iste asfaltira".

Odgovor: Inicijativa je dostavljena Direkciji za puteve Kantona Sarajevo. Do slanja odgovora na vijećničku inicijativu nismo dobili odgovor. Po dobijanju istih bit će dostavljeni Općinskom Vijeću.

SEMIR DEDIĆ – vijećnik SDA

Pitanja: "Postavljam pitanje nadležnoj općinskoj službi koje mjesne zajednice će naredne godine biti uključene u zimsko održavanje trotoara? Tražim da mi se dostavi tenderska dokumentacija za trenutni ugovor o zimskom čišćenju i održavanju puteva (zajedno sa trotoarima), te izvještaj o realizaciji ugovora koji mora da sadrži naloge, izvještaje o čišćenju (koliko često), koliko je fakturisano i koliko je plaćeno za isto".

Odgovor: Tenderska dokumentacija za zimsko održavanje za narednu sezonu još nije urađena. Planirana nabavka je u II kvartalu 2019. godine i nije još poznato koji trotoari će biti obuhvaćeni zimskim održavanjem. U prilogu je fotokopija ugovora o izvođenju radova i izvještaj o utrošenim sredstvima za zimsko održavanje u sezoni 2018-2019. godine.

RASIM ŠEHIĆ – vijećnik SDA

Pitanje: "Krajem 2018. godine sam pokrenuo inicijativu da se izvrši sanacija puta Nišići-Kamenica koji je u nadležnosti Direkcije za ceste Kantona Sarajevo. S tim u vezi, postavljam pitanje da li je pokrenuta sanacija planirana za 2019. godinu? Obzirom da se radi o uistinu neznatnim sredstvima kojim će se spriječiti dalje oštećenje puta, iskreno se nadam da se ova sanacija nalazi u planu Direkcije u narednom periodu.

Odgovor: Pitanje je dostavljeno Direkciji za puteve Kantona Sarajevo. Do slanja odgovora na vijećničko pitanje nismo dobili odgovor. Po dobijanju istih bit će dostavljeni Općinskom Vijeću.

Napomena: U prilogu je odgovor koji je pristigao iz Ministarstva komunalne privrede i infrastrukture koji se odnosi na inicijativu za otvaranje centra za pružanje komunalnih usluga i odgovor iz Elektrodistribucije Sarajevo koji se odnosi na poboljšanje naponskih prilika u naselju Doci - Vratuša.

Služba za saobraćaj,
stambeno-komunalne poslove i građenje

UGOVOR

o izvođenju radova na zimskom održavanju lokalnih i nekategorisanih puteva, trotoara i pješačke zone od interesa za općinu Ilijaš za zimsku sezonu 2018 -2019. godine za:

Lot-1 – Zimsko održavanje lokalnih i nekategorisanih puteva od interesa za općinu Ilijaš za urbani-donji dio općine Ilijaš, za zimsku sezonu 2018 -2019. godine;

Lot-2 - Zimsko održavanje lokalnih i nekategorisanih puteva od interesa za općinu Ilijaš za planinski-gornji dio općine Ilijaš, za zimsku sezonu 2018 -2019. godine;

Lot-3 - Zimsko održavanje trotoara i pješačke zone Centar Ilijaša, za zimsku sezonu 2018 -2019. godine.

Zaključen, dana:25.10.2018.godine, između:

UGOVORNE STRANE:

1.Općina Ilijaš, 126.Ilijaške brigade 6, koju zastupa Akif Fazlić, Općinski načelnik
ID broj:4200621930005, (u daljem tekstu: Naručilac) i

2."Halilović"d.o.o. Sarajevo- Ilijaš, sa sjedištem u ul. Obala 27, 71 387 Podlugovi koju zastupa
Sakib Halilović, direktor, ID broj: 4200473210006, (u daljem tekstu: Izvođač).

I PREDMET UGOVORA

Član 1.

Ovaj ugovor zaključuje se na osnovu člana 5.Okvirnog sporazuma broj: 04/4-14-2145/17 od 09.11.2017.godine, zaključenog između ugovornih strana, na osnovu provedenog otvorenog postupka nabavke.

Član 2.

Predmet ugovora, u skladu sa Zakonom o cestama FBiH ("Sl.novine FBiH",br: 12/10 i 16/10) i Pravilnika o održavanju javnih cesta ("Sl. novine F BiH, br:69/10), su radovi na zimskom održavanju lokalnih i nekategorisanih puteva, trotoara i pješačke zone od interesa za općinu Ilijaš za zimsku sezonu 2018 -2019. godine za:

Lot-1 – Zimsko održavanje lokalnih i nekategorisanih puteva od interesa za općinu Ilijaš za urbani-donji dio općine Ilijaš, za zimsku sezonu 2018 -2019. godine;

Lot-2 - Zimsko održavanje lokalnih i nekategorisanih puteva od interesa za općinu Ilijaš za planinski-gornji dio općine Ilijaš, za zimsku sezonu 2018 -2019. godine;

Lot-3 - Zimsko održavanje trotoara i pješačke zone Centar Ilijaša, za zimsku sezonu 2018 -2019. godine.

Ovim ugovorom se regulišu međusobni odnosi, odnosno prava, obaveze i odgovornosti između Ugovornih strana.

Početak izvođenja radova je 15.11.2018.godine.

Sastavni dio ovog Ugovora su sljedeći dokumenti:

- Program zimske službe na području Općine Ilijaš za sezonu 2018/2019. godina, usvojen od strane Općinskog Načelnika;

- Metodologija obračuna radova zimskog održavanja donesene od strane Kantona Sarajevo, Ministarstva za saobraćaj – Direkcije za puteve;

- Rješenje Općinskog Načelnika o imenovanju ovlaštenog predstavnika za vršenje nadzora i kontrolu kvaliteta izvedenih radova;

- Operativni plan Izvođača radova

- ponude broj: 9-10/17 od 09.10.2017.godine.-za Lot-1;

10-10/17 od 09.10.2015.godine za – Lot-2;

11-10/17 od 09.10.2015.godine za – Lot-3;

- bezuslovna bankovna garancija za dobro izvršenje ugovora od 10% na ukupnu ugovorenu sumu što iznosi za: Lot-1: 15.666,48 KM, sa rokom važnosti garancije: rok završetka radova 15.03.2019.godine, Za Lot-2: 17.223,97 KM, sa rokom važnosti garancije: rok završetka radova 15.03.2019.godine i za Lot-3: 5.655,60 KM, sa rokom važnosti garancije: rok završetka radova 15.03.2019.godine.

Član 3.

Izvođač se obavezuje da će radove izvoditi po ponudi broj: 9-10/17 od 09.10.2017.godine.-za Lot-1; 10-10/17 od 09.10.2017.godine za Lot-2 i 11-10/17 od 09.10.2017.godine, za Lot-3, prema Programu zimske službe na području Općine Ilijaš za sezonu 2018/2019. godina donesenom od strane Općinskog Načelnika i po nalogu općine Ilijaš za nekategorisane ceste – čišćenje snijega po potrebi i pri tome se pridržavati zahtjevanih tehničkih mjera, normativa i obaveznih standarda za ovu vrstu posla. Izvođač se obavezuje da će obavljati sljedeće radove na zimskom održavanju cesta i to:

- pripremni radovi prije nastupanja zimskih uslova;
- organiziranje mjesta pripravnosti i njihovo označavanje;
- čišćenje snijega sa kolovoza i bankina, saobraćajne signalizacije, ulazno-izlaznih traka, proširenja, parkinga, trotoara, prilaza posudama za odlaganje otpada;
- zaštitne mjere protiv stvaranja poledice, snježnih nanosa, smetova i lavina;
- obilježavanje širine kolovoza, odnosno planuma;
- nabavka i deponovanje soli za sprječavanje poledice;
- nabavka i deponovanje posipnog materijala za sprječavanje klizavosti;
- postavljanje posebne saobraćajne signalizacije u slučajevima posebnog režima saobraćaja ili zatvaranje dijela ceste;
- informisanje o stanju na cestama u skladu sa Programom zimske službe;
- osiguravanje odvodnje s kolovoza za vrijeme otapanja snijega, čišćenje rigola i saobraćajnice od osulinskog i drugog materijala;
- čišćenje saobraćajnica po isteku ugovornog perioda i dovođenje u stanje nesmetane prohodnosti i odvodnje;
- druge neophodne radnje u cilju bezbjedne prohodnosti (odroni kamena, drveća, sanacija udarnih rupa i sl.);
- ostali radovi za koje je usvojena ponuda Izvođača koja je u prilogu Ugovora, a koji su predviđeni Pravilnikom o održavanju javnih cesta.

II VRIJEDNOST RADOVA I PLAĆANJE

Član 4.

Vrijednost ugovorenih radova iz člana 2. ovog ugovora iznosi:

Za Lot-1:

- Cijena bez uračunatog PDV-a je:.....167.377,00 KM
 - Iznos popusta od 20% je:.....33.475,40 KM
 - Ukupna cijena sa popustom od 20% bez PDV-a:.....133.901,60 KM
 - Iznos PDV-a, od 17% je:.....22.763,27 KM
 - Cijena sa popustom od 20% i PDV-om je:.....156.664,87 KM
- (slovima:stotinupedesetšesthiljadašeststotinašezdesetčetiri i 87/100 KM).

Za Lot-2:

- Cijena bez uračunatog PDV-a je:.....210.305,00 KM
 - Iznos popusta od 30% je:.....63.091,50 KM
 - Ukupna cijena sa popustom od 30% bez PDV-a:.....147.213,50 KM
 - Iznos PDV-a, od 17% je:.....25.026,29 KM
 - Cijena sa popustom od 30% i PDV-om je:.....172.239,79 KM
- (slovima:stotinusedamdesetdvijehiljadedvjestotinetridesetdevet i 79/100 KM).

Za Lot-3:

- Cijena bez uračunatog PDV-a je:.....48.338,50 KM
 - Iznos PDV-a, od 17% je:.....8.217,54 KM
 - Cijena sa PDV-om je:.....56.556,04 KM
- (slovima:pedesetšesthiljadapetstotinapedesetšest i 04/100 KM).

Cijena iz prethodnog stava ovog člana utvrđena je na osnovu vrsta, količina i jediničnih cijena iz ponude Izvođača / specifikacije radova.

Ugovorene jedinične cijene su fiksne i ne mogu se mijenjati ni pod kojim uslovima.

Konačna cijena utvrdit će se na osnovu stvarnih izvedenih količina uz primjenu ugovorenih jediničnih cijena za pojedine vrste radova u zavisnosti od osnovnih meteoroloških parametara za zimsku sezonu, izvedenog obima i kvaliteta radova, kao i izvedenih radova prije, odnosno poslije ugovorenog vremena zimskog održavanja.

Obračun izvedenih radova će biti definisan na sljedeći način:

Redovno održavanje: lokalnih cesta: po 1 kilometru dužnom, parkinzi i trotoari po 1 m², prema usvojenoj Metodologiji obračuna radova zimskog održavanja, donijetih od strane Kantona Sarajevo, Ministarstva saobraćaja – Direkcija za puteve.

Čišćenje snijega po potrebi po nalogu Općine:

- nekategorisanih cesta: po radu mašine po 1 satu, nabavka posipnog materijala po 1 m³, ukupna vrijednost će biti zbir naloga koja će se iskazivati posebnom fakturom.

Član 5.

Posipni materijal i so za posipanje uračunati su u cijenu i nabavlja ih Izvođač radova. Količina posipnog materijala i soli mora biti dovoljna za kvalitetno održavanje cesta u svim mogućim vremenskim uslovima.

Član 6.

Ugovorne strane su saglasne da će se plaćanje izvršenih radova vršiti na sljedeći način:

- za redovno održavanje cesta plaćanje će se izvršiti u roku od 15 dana od dana prijema mjesečnih ili polumjesečnih ispostavljenih situacija/faktura,
- korekcija obračuna vezana za meteorološke uslove za cijeli period obuhvatit će se posljednjom ispostavljenom situacijom/fakturom,
- za čišćenje snijega po potrebi po nalogu Općine, plaćanje će se izvršiti u roku od 15 dana po ispostavljanju situacije/fakture od strane Izvođača.

Član 7.

- Obračun izvedenih radova iz ovog ugovora izvršit će se na osnovu ovjerenih količina izvedenih radova u Dnevniku zimske službe Izvođača i jediničnih cijena iz ovog ugovora.
- Nadzorni organ/kontrolor radova, u ime Naručilaca, ovjerava ispostavljene situacije, odnosno potvrđuje izvršenje radova u skladu s ovim ugovorom. Situacije treba da sadrži kumulativnu vrijednost izvršenih radova s tim da se iskaže posebna vrijednost odobrenog popusta od 20 % za Lot-1, odnosno 30% za Lot-2, na ukupno izvedene radove po ispostavljenoj situaciji.
- Izvođač je dužan ovjerenu situaciju/fakturu od strane Nadzornog organa/kontrolora radova predati na adresu Naručioca, Općina Ilijaš, Služba za saobraćaj, stambeno-komunalne poslove i građenje, 126. Ilijaške brigade 6, 71 380 Ilijaš.
- Naručilac će izvršiti plaćanje samo nespornih radova izvršenih po ovom ugovoru i ovjerenih od strane Nadzornog organa/kontrolora radova.
- Plaćanje ovjerene situacije/fakture će se vršiti u skladu sa članom 6. ovog ugovora.
- Izvođač je dužan izdati / sačiniti fakturu / situaciju u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje. Uslovi plaćanja i drugi uslovi koje Izvođač jednostrano unese u fakturu / situaciju ne obavezuju Naručioca ni onda kada je fakturu primio, a nije joj prigovorio.

III ROK IZVOĐENJA RADOVA

Član 8.

Radovi zimskog održavanja traju od 15.11.2018.godine do 15.03.2019.godine.

Radovi na zimskom održavanju mogu početi ili završiti ranije, odnosno kasnije od predviđenog u prethodnom stavu, zavisno od vremenskih uslova.

Radovi zimskog održavanja izvršeni prije, odnosno poslije ugovorenog vremena zimskog održavanja, navedeni u prethodnom stavu ovog člana, će se izvršiti pod uslovima navedenim u tendenderskoj dokumentaciji, odnosno u skladu sa prihvaćenom ponudom ponuđača.

U slučajevima iznenadnih snježnih padavina ili pojave poledice, klizavosti u vrijeme van utvrđenog roka u stavu 1. ovog člana, Izvođač je dužan da preuzme mjere za uklanjanje snijega odnosno sprječavanja poledice i osposobljavanje ceste za normalan saobraćaj.

U slučajevima ovakvih intervencija Izvođač je dužan o potrebnim i preduzetim mjerama hitno obavijestiti Naručioca.

U slučajevima vanrednih prilika primjenjivat će se Plan Vlade Kantona Sarajevo.

IV KVALITET I KONTROLA RADOVA

Član 9.

Izvođač garantuje da će radove iz člana 1. ovog ugovora, izvesti u skladu sa Ugovorom, zahtjevanim tehničkim mjerama, normativima i obaveznim standardima za ovu vrstu posla.

U slučaju nekvalitetno i neblagovremeno izvedenih radova predstavnik Naručioca utvrđuje i konstatuje pomenute radove u Dnevniku zimske službe Izvođača.

Predstavnik Izvođača može učestvovati u obilasku terena sa predstavnikom Naručioca.

U slučaju neotklanjanja nedostataka od strane Izvođača radova, Naručilac radova ima pravo protestovati bankarsku garanciju za uredno izvršenje ugovora bez daljnjih upozorenja.

Naručilac je ovlašten da za otklanjanje nedostataka angažira drugu pravnu ili fizičku osobu i da nastalim troškovima tereti Izvođača. Naručilac je pri tome dužan da postupa u skladu sa dobrim poslovnim običajem, odnosno da za otklanjanje nedostataka ne utroši više sredstava nego što je objektivno potrebno.

Član 10.

Izvođač se obavezuje da će teren na mjestima izvođenja radova urediti i sanirati eventualno nastale štete. Postojanje eventualnih šteta nanijetih od strane Izvođača na trasi održavanja cesta će utvrditi zajednička komisija koju čine predstavnik Izvođača i Nadzora radova.

Član 11.

Nadzor i kontrolu kvaliteta i kvantiteta izvođenja radova će vršiti ovlašteni predstavnik Općine Ilijaš-Službe za saobraćaj, stambeno-komunalne poslove i građenje, općine Ilijaš, koji će biti imenovan posebnim rješenjem Općinskog Načelnika.

Ovlašteni predstavnik, imenovan od strane Općinskog načelnika, iz prethodnog stava, će u toku izvođenja radova, kontinuirano sarađivati sa predsjednicima Savjeta Mjesnih zajednica, u cilju kontrole i efikasnijeg izvršenja radova.

Član 12.

Izvođač je dužan praviti dnevni izvještaj (dnevnik) koji uključuje i vremenske uslove, temperaturu, uslove na cesti i intervenciju vozila, mašina, opreme i pomoćnih radnika.

Izvođač dnevnik vodi svakodnevno u tri primjerka. Dnevnik potpisuju ovlašteni predstavnik Izvođača i Naručioca.

Kopiju dnevnika Izvođač dostavlja Naručiocu svaki dan za predhodni dan putem protokola općine.

Dnevnik će se koristiti kao osnova za kontrolisanje uslova na cesti kao i za kontrolu rada Izvođača.

Naručiocu i njegovom ovlaštenom predstavniku mora biti omogućeno da provjeri originalni dnevnik Izvođača ako to okolnosti zahtjevaju.

Situacije o izvršenju zimskog održavanja će se dostavljati Općini za svaki mjesec dana rada. Za mjesec novembar i mart ispostavljaju se polumjesečne situacije.

Nadzor/kontrolor radova će ovjeravati ispostavljene situacije. Korekcija vrijednosti izvedenih radova po svim osnovama mogu se vršiti samo na osnovu usvojene Metodologije obračuna radova zimskog održavanja, donijete od strane Kantona Sarajevo, Ministarstva saobraćaja – Direkcije za puteve.

V OBAVEZA IZVOĐAČA PRIJE POČETKA RADOVA

Član 13.

Izvođač radova je dužan odmah po potpisu Ugovora, a najkasnije u periodu od 10 dana od dana potpisivanja ugovora, dostaviti Naručiocu Operativni plan zimskog održavanja povjerenih lokalnih i nekategorisanih puteva od interesa za općinu Ilijaš koji će sadržavati sljedeće elemente:

- tačne adrese punktova zimske službe u urbanom i planinskom dijelu općine;
- spisak mehanizacije, sa registarskim brojevima vozila, koja će se koristiti za zimsko održavanje povjerenih cesta, za Lot-1, za Lot-2 i Lot-3;
- spisak radnika angažovanih na zimskom održavanju cesta;
- ime, prezime i telefon odgovorne osobe, poslovođe radova na zimskom održavanju puteva.

VI BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 14.

Izvođač je, u smislu osiguranja izvršenja obaveza po ovom ugovoru, obavezan Naručiocu dostaviti безусловnu originalnu bankarsku garanciju (prema formi / obrascu utvrđenom od strane Naručioca). Garanciju za uredno izvršenje ugovora / dobro izvršenje posla iznosi:

Za Lot-1:

10 % ukupne vrijednosti ugovora za Lot-1 ili 15.666,48 KM, sa rokom važnosti garancije: rok završetka radova 15.03.2019.godine.

Za Lot-2:

10 % ukupne vrijednosti ugovora za Lot-2 ili 17.223,97 KM, sa rokom važnosti garancije: rok završetka radova 15.03.2019.godine.

Za Lot-3:

10 % ukupne vrijednosti ugovora za Lot-3 ili 5.655,60 KM, sa rokom važnosti garancije: rok završetka radova 15.03.2019.godine.

Izvođač će garanciju iz prethodnog stava dostaviti u roku od 15 dana od dana zaključivanja / obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti.

Ukoliko garancija za uredno izvršenje Ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

VII RASKID UGOVORA

Član 15.

Ugovor se raskida izjavom u pisanom obliku koja se dostavlja drugoj ugovornoj strani. U izjavi mora biti naveden razlog zbog kojeg se Ugovor raskida.

VIII OSTALE ODREDBE

Član 16.

Izvođač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 17.

Ovaj ugovor stupa na snagu danom obostranog potpisivanja od strane ovlaštenih lica ugovornih strana i dostavljanjem garancije za dobro izvršenje ugovora iz člana 14. ovog ugovora.

Ugovorne strane su saglasne ukoliko Izvođač ne ispuni uslov iz stava 1. ovog člana, da će se ovaj ugovor smatrati ništavnim.

Svi rokovi u vezi s ovim ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

Član 18.

Ugovorne strane su saglasne da se na ovaj ugovor imaju primijeniti odredbe Zakona o obligacionim odnosima, odnosno odredbe Posebnih uzansi o građenju, u granicama i okvirima koje za uzanse propisuje i dozvoljava citirani zakon, i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

Član 19.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi sporazuman način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovora se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

Član 20.

Izmjene i dopune ovog ugovora mogu se vršiti samo pismenim putem. Bit će punovažne i obavezivat će ugovorne strane samo one izmjene i dopune koje su sačinili sporazumno u pismenoj formi.

Član 21.

Ovaj ugovor je sačinjen u 4 (četiri) istovjetnih primjerka od kojih svaka ugovorna strana zadržava po 2 (dva) primjerka.

Fazlić

**ZA IZVOĐAČA
DIREKTOR**

Sakib Halilović
Sakib Halilović

Broj: 25/10/18
Ilijaš, 23-10, 2018.godine



**ZA NARUČIOCA
NAČELNIK OPĆINE**

Akif Fazlić
Akif Fazlić dipl.ecc.

Broj: 04/4-23-2405/18
Ilijaš, 25.10.2018.godine



**UTROŠENA SREDSTVA ZA ZIMSKO ODRŽAVANJE
PUTEVA U SEZONI 15.10.2018-15.03.2019 GODINI**

UKUPNO UGOVORENA SREDSTVA PO SEZONI: 385.460,72 KM
PREDVIĐENO BUDŽETOM: 335.000,00 KM

1. REDOVNO ODRŽAVANJE

MJESEC	LOT 1	LOT 2	LOT 3	UKUPNO
Novembar 2018 (15 dana)	10.444,35 KM	12.559,15 KM	3.770,35 KM	26.773,85 KM
Decembar 2018	25.784,49 KM	35.165,64 KM	9.308,15 KM	70.258,28 KM
Januar 2019	29.701,12 KM	44.136,47, KM	10.722,05 KM	84.559,64 KM
Februar 2019	20.562,31 KM	30.500,81 KM	7.422,95 KM	58.468,07 KM
Mart 2019 (15 dana)	9.791,57 KM	11.841,48 KM	3.534,74 KM	25.167,79 KM
UKUPNO:	96.283,84 KM	134.203,55 KM	34.758,24 KM	265.245,63 KM

2. ČIŠĆENJE SNIJEGA PO POTREBI-NALOGU

MJESEC	LOT 1	LOT 2	LOT 3	UKUPNO
Novembar 2018	-----	-----	-----	-----
Decembar 2018	1.263,60 KM	5.124,60 KM		6.388,20 KM
Januar 2019	4.563,00 KM	16.567,20 KM		21.130,20 KM
Februar 2019	2.457,00 KM	13.583,70 KM		16.040,70 KM
Mart 2019	-----	-----	-----	-----
UKUPNO:	8.283,60 KM	35.275,50 KM		43.559,10 KM

UKUPNO UTROŠENO SREDSTAVA ZA SEZONU 15.10.2018-15.03.2019 GODINE:

1.REDOVNO ODRŽAVANJE: 265.245,63 KM
2.ODRŽAVANJE PO POTREBI-NALOGU: 43.559,10 KM

SVEGA UKUPNO: 308.804,73 KM

Pomoćnik načelnika:
Aziz Fazlić, s.r.



Bosna i Hercegovina
Federacija Bosne i Hercegovine
KANTON SARAJEVO
Ministarstvo komunalne privrede i
infrastrukture




Босна и Херцеговина
Федерација Босне и Херцеговине
КАНТОН САРАЈЕВО
Министарство комуналне
привреде и инфраструктуре

Bosnia and Herzegovina
Federation of Bosnia and Herzegovina

CANTON SARAJEVO
Ministry of Communal Economy and
Infrastructure

Broj: 27-05-3864/18
Sarajevo, 22.02.2019.godine

OPĆINA ILIJAŠ
UL. 126. Ilijaške brigade br.6
71 380 Ilijaš



PREDMET: Odgovor na vijećničku inicijativu, dostavlja se,-

Poštovani,

Ministarstvo komunalne privrede i infrastrukture je zaprimilo akt od strane Općine Ilijaš u kojem je iznesena jedna vijećnička Inicijativa sa održane 26. sjednice Općinskog vijeća Ilijaš. Napomene radi, ova Inicijativa je već ranije pokretana od strane vijećnika Džindo Mehe i Dervišević Muamera

Na pitanje postavljeno od strane vijećnika Handžić Muhameda (BPS-Sefer Halilović) koje glasi: "Pokrećem inicijativu da se u Ilijašu otvori centar za pružanje komunalnih usluga građanima naše Općine. Obrazloženje: Naime, građani naše Općine su jedini u Kantonu Sarajevo koji nemaju mogućnost da svoje račune, koji im svakog mjeseca stižu – plate dostavljačima navedenih usluga, bez određenog iznosa poštarine koja u prosjeku iznosi od 5 do 10 KM po domaćinstvu. U tom smislu molim Načelnika i nadležnu općinsku Službu da iznađu mogućnost otvaranja ovog centra, a po ugledu na Općinu Vogošća", ovim putem Vas obavještavamo slijedeće:

Tačno je da je Centar za komunalne usluge projekat Vlade Kantona Sarajevo koji će pružati građanima mogućnost plaćanja komunalnih usluga javnih preduzeća: KJKP "Vodovod i kanalizacija" d.o.o Sarajevo, KJKP "Toplane" d.o.o. Sarajevo, KJKP "Rad" d.o.o. Sarajevo i KJKP "Sarajevogas" d.o.o. Sarajevo na jednom mjestu. Međutim, za otvaranje Centra komunalnih usluga u Općini Ilijaš, koji bi svakako bio od velikog značaja za građane, a što bi finansijski podržalo Ministarstvo komunalne privrede i infrastrukture Kantona Sarajevo, trenutno nije planirana pozicija u Budžetu Kantona Sarajevo za 2019 godinu.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1



Ovo Ministarstvo će prilikom eventualnog razmatranja Izmjena i dopuna Budžeta Kantona Sarajevo za 2019 godinu kandidovati navedeni projekat, jer isti smatramo opravdanim.

S poštovanjem

MINISTAR

mr. sc. Šerif Mandić



Dostaviti:

- ①. Naslovu;
2. Evidenciji;
3. A/a



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086,
Fax: + 387 (0) 33 562-177
Sarajevo, Reisa Džemaludina Čauševića 1





Javno preduzeće
ELEKTROPRIVREDA BOSNE I HERCEGOVINE
d.d. - Sarajevo

Podružnica "Elektrodistribucija", Sarajevo

15.03.2019

OPĆINA ILIJAŠ

Služba za saobraćaj, stambeno-komunalne
poslove i građenje
ul. 126. ilijaške brigade br. 6
71380 Ilijaš

Sarajevo, 13.03.2019. godine

Broj: 03-4-222-14272/2019

15.03.2019

OB/1-

Predmet: Odgovor na dopis povodom loših naponskih prilika u naselju Doci – Vratuša

Poštovani,

Na osnovu Vaše molbe od 19.01.2019. godine, a vezano za poboljšanje naponskih prilika, dajemo Vam sljedeću informaciju.

Niskonaponska mreža na ovom transformatorskom području izvedena je dugačkim vodovima sa samonosivim kablovskim snopom na armirano betonskim stubovima, i ista se napaja iz transformatorske stanice TS PODLUGOVI 2 (1833).

U cilju stabilizacije naponskih prilika na ovom transformatorskom području obavještavamo Vas da je pokrenuta procedura izgradnje nove transformatorske stanice TS PODLUGOVI 11, srednjenaponskog priključka za ovu transformatorsku stanicu, i niskonaponskih kablovskih odlaza.

Završetkom izgradnje nove transformatorske stanice, te po dobivanju upotrebne dozvole za istu, izvršit će se interpolacija nove transformatorske stanice u postojeću niskonaponsku mrežu. Na taj način doći će do smanjenja opterećenja postojeće niskonaponske mreže, što će znatno poboljšati naponske prilike ovog područja.

Sa aspekta efikasnije realizacije zacrtanih planova lokalna Mjesna zajednica može dati svoj doprinos kroz pomoć kod rješavanja imovinsko-pravnih odnosa vezanih za lokaciju nove transformatorske stanice, i priključnog srednjenaponskog voda.

Napominjemo da je stanovnicima i dalje na raspolaganju naš Informativni centar i besplatni telefon broj 080 02 01 33, odnosno mogućnost da prijave svaki problem na mreži. Naše interventne elektromonterske ekipe će učiniti sve da, do konačnog rješenja, otklone opasnost i, koliko je moguće, ublaže nastale probleme.

S poštovanjem,

Co:

03-4-23

03-4-222

03-4-223

03-4-225



Vilsonovo šetalište 15, 71000 Sarajevo, BiH,

Reg. broj: UF/1-392/04 Kantonalni sud Sarajevo
Porazni broj: 4200225150005, PDV broj: 200225150005
3388002206745755 - UniCredit banka d.d. Mostar
1549212003366506 - Intesa SanPaolo banka d.d. BiH Sarajevo
1610000006180023 - Raiffeisen Bank d.d. BiH Sarajevo
1290480178078902 - Sparkasse Bank d.d. BiH Sarajevo
1020500000090111 - Union Banka d.d. Sarajevo

Podružnica „Elektrodistribucija“ Sarajevo
Zmaja od Bosne 49, 71000 Sarajevo, BiH

Reg. broj: UF/1-2108/04 Kantonalni sud Sarajevo
Porazni broj: 4200225150030
PDV broj: 200225150005
3388002206745755 - UniCredit banka d.d. Mostar
1028400000005617 - Union banka d.d. Sarajevo
www.epbih.ba